

**Conferenza Generala Surselva**

# **STATUTS**

La fuorma masculina duvrada vala per dunnas ed umens.

**1. Num e sedia** La Conferenza Generala Surselva (CGS) ei ina instituziun el senn digl art. 60 e sequents dil Cudisch civil svizzer la quala ei politicamein e confessionalmein neutrala. Siu domicil ei il liug dil parsura en uffeci.

**2. Intent e mira** La CGS ei l'uniun dallas personas d'instrucziun da tuts scalems e da tuts geners da scola che instrueschan allas scolas romontschas e bilinguas digl intschesch linguistic sursilvan.

La CGS promova ils interess dalla scola romontscha e bilingua, specialmein la situaziun dil romontsch en scola.

La CGS ei ina instituziun culla finamira da scolaziun e scuntrada.

Ella coordinescha sia lavur cun tut las instituziuns officialas e privatas che han las medemas ni semeglientas finamiras. Igl organ official dalla CGS ei sia pagina d'internet.

**3. Commembradi** Commember activ/passiv dalla CGS sa mintga persuna daventar che paga la contribuziun annuala fixada dalla radunonza generala.

### **3.1 Commembers activs**

Commember activ dalla CGS sa ina persuna d'instrucziun daventar ch'ei activa ella domena dalla scola romontscha/bilingua digl intschesch linguistic sursilvan.

Damondas per daventar commember activ ein d'inoltrar alla suprastonza, la quala decida davart la recepziun.

### **3.2 Commembers passivs**

Commember passiv sa mintga persuna daventar che simpatisescha culla CGS e sustegn sias finamiras (sco p. ex. collegas en pensiun, collegas che dattan pil mument buca scola, inspecturs, amitgs dalla scola romontscha, etc.). Damondas per daventar commember passiv ein d'inoltrar alla suprastonza, la quala decida davart la recepziun.

**4. Organisaziun** Ils organs dalla CGS ein:  
la radunonza generala  
la suprastonza  
ils revisurs da quen

### **4.1 La radunonza generala**

La radunonza generala vegn salvada ina gada ad onn, da principi e sche pusseivel mintgamai la davosa jamna dil meins da november. En cass motivai sa il termin era vegnir spustaus.

Igl invit cun la gliesta da tractandas vegn tarmess silmeins 15 dis avon la radunonza generala.

Propostas da commembers ein d'inoltrar a cret per mauns dalla suprastonza il pli tard tochen duas jamnas avon la radunonza generala.

Dretg da vuschar han mo ils commembers activs.

Las decisiuns alla radunonza generala vegnan pridas aviartamein.

El cass che in commember pretenda, sto vegnir vuschau a scret.

Per mintga decisiun tonscha la maioritad relativa.

Tier elecziuns vala medemamein la maioritad relativa.

En cass da paritad da vuschs dat il president la decisiun.

Las tractandas statutaricas dalla radunonza generala annuala ein:

1. Beinvegni e preschientscha
2. Elecziun da dus dumbravuschs
3. Prelecziun ed approvaziun dil protocol dalla davosa radunonza generala
4. Rapport presidial ed approvaziun
5. Rapport dil cassier e dils revisurs, approvaziun dil quen
6. Program da lavur ed approvaziun
7. Propostas dils commembers
8. Elecziuns
  - a) dil president
  - b) dils ulteriurs commembers da suprastonza
  - c) dils revisurs da quen
9. Presentaziun dil preventiv ed approvaziun
10. Fixar la contribuziun annuala
11. Varia

## 4.2 La radunonza extraordinaria

Tenor basegns sa la suprastonza convocar ina radunonza extraordinaria, medemamein san era silmeins 20 commembers pretender ina tala. Igl invit sto succeder silmeins 10 dis avon la radunonza.

## 4.3 La suprastonza

La suprastonza vegn eligida per dus onns. Ina reelecziun ei pusseivla. La suprastonza secumpona da silmeins treis persunas ch'ein activas els scalems ed ellas domenas da scola: scoletta, scola primara, scalem superiur, gimnasis, scolas medias, scolas professiunalas, scolas aultas, universitads, ATT (art textil, art tecnic), ELT (economia, lavur e tenercasa), MS (moviment e sport), ERC (etica, religiuns e cuminonza), terapias, etc.

Cun excepziun dil president seconstituescha la suprastonza sezza e reparta a ses commembers las incaricas da vicepresident, actuar e cassier.

La suprastonza organisescha e meina la fatschenta dalla CGS, prepara e realisescha la radunonza generala sco era eventualas radunonzas generalas extraordinarias, relai reglaments, decida davart recepziun da commembers, meina ils cudischs, tegn sesidas, protocollescha las sesidas e las radunonzas, exequescha las decisiuns dalla radunonza generala, prepara ed organisescha – sche pusseivel – annualmein il Di da romontsch sco cuors da scolaziun e perfecziunament, e representa la CGS anoviars.

Decisiuns dalla suprastonza vegnan pridas culla maioritad relativa.

## 4.4 Ils revisurs da quen

Ils revisurs da quen controlleschan tuttas fatschentas finanzialas avon la radunonza generala ordinaria e rapportan en caussa a caschun da quella. Ils revisurs vegnan eligi per dus onns. Ina reelecziun ei pusseivla.

## 4.5 Finanzas

Las entradas consistan da:

- contribuziuns annualas dils commembers activs
- contribuziuns annualas dils commembers passivs
- daners da cuors
- contribuziuns dad instituziuns e societads
- donaziuns

Per tuttas obligaziuns ha la societad da garantir mo cun sia atgna facultad. Ina responsabladad dil singul commember per obligaziuns dalla societad ei sclausa.

## 5. Disposiziuns finalas

En cass che la CGS vegness sliagiada, vegn sia facultad administrada dalla Surselva Romontscha. Suentar 10 onns daventa ella possess effectiv da quella instituziun, priu che la CGS seigi buca vegnida refundada en quei temps.


Quests statuts remplazzan ils statuts revedi dils 25 da november 2009 ed entran en vigur immediatamein suenter l'approbaziun entras la radunonza generala dalla CGS dils 28 da november 2018.

il president



Francestg Friberg

igl actuar



Pieder Antoni Halter

Danis, ils 28 da november 2018